

VENDIM
Nr. 690, datë 26.10.2022

**PËR MIRATIMIN E MARRËVESHJES PËR MEKANIZMAT E SIGURIMIT TË
USHQIMIT NË BALLKANIN PERËNDIMOR**

Në mbështetje të nenit 100 të Kushtetutës dhe të nenit 19, të ligjit nr. 43/2016, “Për marrëveshjet ndërkombëtare në Republikën e Shqipërisë”, me propozimin e ministrit të Bujqësisë dhe Zhvillimit Rural, Këshilli i Ministrave

VENDOSI:

Miratimin e marrëveshjes “Për mekanizmat e sigurimit të ushqimit në Ballkanin Perëndimor”.
Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

MARRËVESHJE
PËR MEKANIZMAT E SIGURIMIT TË USHQIMIT NË BALLKANIN PERËNDIMOR

Duke pasur parasysh mirëqenien e qytetarëve të rajonit të Ballkanit Perëndimor dhe me synimin më të mirë për të parandaluar mungesat e produkteve thelbësore agrourbëzore në tregjet e pjesëmarrësve të Nismës për Ballkanin e Hapur;

Duke rikonfirmuar solidaritetin si parim përcaktues të Nismës për Ballkanin e Hapur;

Duke shprehur vullnetin për forcimin e bashkëpunimit rajonal dhe me synimin për të kontribuar në mekanizmat e sigurisë ushqimore në kuadër të Nismës për Ballkanin e Hapur dhe në një rajon në tërësi;

Me qëllim përcaktimin e mënyrave për sigurimin e tregtisë së vazhdueshme për të lejuar furnizim të qëndrueshëm dhe të pandërprerë të qarkullimeve me produkte agrourbëzore thelbësore brenda palëve kontraktuese pa asnjë kufizim;

Duke qenë të vetëdijshëm dhe duke dëshiruar të zvogëlojnë mungesat e mundshme të furnizimit me ushqime në rajonin tonë, të shkaktuara nga ndërprerjet në prodhim dhe transport për shkak të situatave të krizës;

Duke ftuar pjesëmarrësit e tjerë të Ballkanit Perëndimor që t’i bashkohen kësaj marrëveshjeje në frymën e gjithëpërfshirjes, marrëdhënieve të fqinjësisë së mirë dhe bashkëpunimit rajonal dhe me synimin për të përmirësuar mirëqenien e qytetarëve brenda rajonit;

Në përputhje me Marrëveshjen mbi Bashkëpunimin në Fushën e Veterinarisë, Sigurisë Ushqimore dhe Ushqimit për Kafshë dhe Fitosanitare në Ballkanin Perëndimor, nënshkruar nga të njëjtat Palë, më 21 dhjetor 2021,

Palët kanë rënë dakord si vijon.

Neni 1

Në përputhje me Marrëveshjen për bashkëpunim në mbrojtje nga fatkeqësitë në Ballkanin Perëndimor, qëllimi i kësaj Marrëveshjeje është që pjesëmarrësit e Nismës së Ballkanit të Hapur të ndihmojnë njëra-tjetrën në rast të ndërprerjes së zinxhirëve të furnizimit, për shkak të pasojave të krizës globale, kur njëra nga palët përballlet me mungesa në furnizimin e tregut vendës me produkte thelbësore agrourbëzore.

Palët, si anëtarë të Nismës së Ballkanit të Hapur, rikonfirmojnë nevojën e bashkëpunimit në parandalimin dhe zvogëlimin e mungesave të mundshme të produkteve thelbësore

agroushqimore, të krijuara nga një situatë e mundshme krize, qoftë brenda rajonit ose asaj që ndikon në tregun global dhe që reflekton në rajon.

Neni 2

Palët bien dakord se nuk do të ketë ndalime në tregtimin e produkteve thelbësore agroushqimore brenda anëtarëve të Nismës për Ballkanin e Hapur.

Lista e produkteve thelbësore agroushqimore është e specifikuar në aneksin I të Marrëveshjes.

Nga data e hyrjes në fuqi të kësaj Marrëveshjeje, palët do të shfuqizojnë të gjitha kufizimet sasiore dhe masat me efekt të njëjtë për importet e produkteve thelbësore agroushqimore të specifikuar në aneksin I, me origjinë nga anëtarët e Nismës për Ballkanin e Hapur.

Neni 3

Palët bien dakord që nuk do të ketë rieksporim në vende të treta, të produkteve thelbësore agroushqimore të tregtuara, të listuara në aneksin I, nëse kanë origjinën nga njëra prej Palëve.

Neni 4

Me qëllim monitorimin e zbatimit të kësaj Marrëveshjeje, Palët do të krijojnë Grupin e Përbashkët të Punës për të sugjeruar përmirësime përballë ndryshimeve në mjedis dhe për të zbuluar dhe parandaluar abuzime të mundshme. Ky grup pune do të krijohet brenda 30 ditëve nga dita e hyrjes në fuqi të kësaj Marrëveshjeje.

Grupi i Punës do të përfshijë përfaqësues të institucioneve zyrtare të palëve, përgjegjëse për bujqësinë, tregtinë dhe doganat dhe përfaqësues të dhomave të tregtisë. Përfaqësuesi duhet të jetë të paktën në nivelin e drejtuesit të departamentit. Secila palë do t'u njoftojë palëve të tjera emrat e përfaqësuesve të caktuar në Grupin e Punës. Palët mund të caktojnë edhe zëvendëspërfaqësues në çdo kohë, duke i njoftuar me shkrim palët e tjera.

Neni 5

Palët bien dakord që autoritetet e tyre kompetente do të punojnë së bashku për të hartuar kapacitetet e magazinimit për produktet thelbësore agroushqimore brenda palëve.

Kapacitetet e ruajtjes do të hartohen plotësisht brenda 90 ditëve nga dita pas hyrjes në fuqi të kësaj Marrëveshjeje.

Për të zhvilluar bashkëpunimin në terren, autoritetet kompetente të Palëve do të shkëmbejnë listën e tyre të kapaciteteve të hartuara të drithërave.

Neni 6

Palët bien dakord që autoritetet e tyre kompetente do të punojnë së bashku për të hartuar një plan të përbashkët politik për përmirësimin e kapaciteteve për magazinimet e produkteve thelbësore agroushqimore brenda Nismës për Ballkanin e Hapur, brenda 90 ditëve nga dita e hyrjes në fuqi të kësaj Marrëveshjeje.

Neni 7

Palët angazhohen të shqyrtojnë veprime shtesë në tregtinë e ndërsjellë për të trajtuar ofrimin e produkteve thelbësore agroushqimore gjatë situatave të krizës.

Palët angazhohen të rishikojnë klauzola të përgjithshme dhe specifike të përjashtimit në tregtinë e ndërsjellë për të inkurajuar bashkëpunimin në situata krize.

Neni 8

Palët bien dakord që autoritetet e tyre kompetente do të punojnë së bashku për të hartuar UDHËRRËFYESIN OBI TË SIGURISË USHQIMORE/PLANIN E VEPRIMIT 2030.

Dokumenti do të trajtojë çështjet e sigurisë ushqimore në Ballkanin Perëndimor, në përgjithësi, dhe në Nismën për Ballkanin e Hapur, në veçanti, të tilla si në identifikimin e rrezikut dhe sfidave për sigurinë ushqimore, duke u fokusuar në nismat e mëposhtme për të adresuar efektet e ndryshimeve klimatike (thatësira, përmytje, zjarre etj.), digjiitalizimin dhe inovacionin në industrinë ushqimore dhe qëndrueshmërinë në prodhimin e ushqimit në të gjithë rajonin dhe zinxhirin e vlerës agroushqimore.

Neni 9

Palët bien dakord të rishikojnë në nivel kombëtar, sipas rastit, rregulloret që janë identifikuar si potencialisht sfiduese për funksionimin e zinxhirit të furnizimit ushqimor brenda rajonit të Nismës për Ballkanin e Hapur.

Neni 10

Mosmarrëveshjet që lindin nga zbatimi i kësaj Marrëveshjeje do të zgjidhen me negociata ndërmjet autoriteteve kompetente të Palëve.

Neni 11

Marrëveshja nuk do të zbatohet për të drejtat dhe detyrimet e Palëve që rrjedhin nga marrëveshje të tjera ndërkombëtare, në të cilat ato janë palë kontraktuese.

Neni 12

Kjo Marrëveshje do të hyjë në fuqi datën e marrjes së njoftimit të fundit me shkrim me të cilin Palët njoftojnë njëra-tjetrën, nëpërmjet Depozitarit, për përfundimin e procedurave të kërkuara sipas legjislacionit të tyre të brendshëm për hyrjen në fuqi të kësaj Marrëveshjeje.

Republika e Serbisë do të veprojë si Depozitari i kësaj Marrëveshjeje.

Kjo Marrëveshje do të mbetet në fuqi për një periudhë pesëvjeçare (5-vjeçare). Pas kësaj periudhe, Marrëveshja do të zgjatet automatikisht për periudha pasuese njëvjeçare.

Secila Palë mund të tërhiqet nga Marrëveshja në çdo kohë, duke njoftuar dy Palët e tjera me shkrim, nëpërmjet Depozitarit, jo më vonë se gjashtë (6) muaj para datës së tërheqjes.

Në këtë rast, Marrëveshja do të mbetet në fuqi për dy Palët e mbetura.

Kjo Marrëveshje mund të ndryshohet me pëlqimin e ndërsjellë me shkrim të të gjitha Palëve.

Origjinali i kësaj Marrëveshjeje, në një kopje të vetme në gjuhën angleze, do të depozitohet pranë Depozitarit i cili do t'i transmetojë një kopje të vërtetuar secilës Palë.

Bërë në Beograd, më dy shtator dy mijë e njëzet e dy.

**Për Qeverinë e Republikës së
Serbisë**

**Për Këshillin e Ministrave të
Republikës së Shqipërisë**

Për Qeverinë e Republikës së Maqedonisë së Veriut

ANEKSI I
LISTA E PRODUKTEVE THELBËSORE AGROUSHQIMORE

Përshkrimi	Kodi tarifor
Misër	1005
Grurë dhe lloj gruri	1001
Grurë dhe lloj gruri	1101
Qumësht dhe produktet e qumështit	0401 deri 0406
Sheqer kallami ose panxhari dhe saharozë kimikisht të pastër, në formë të ngurtë	1701
Farë luledielli, vaj luledielli ose pambuku dhe fraksionet e tyre, të rafinuara ose jo, por jo të modifikuara kimikisht	1512
Farë luledielli	1206
Makarona, të gatuar ose jo ose të mbushura (me mish ose substanca të tjera ose të gatuar ndryshe, si spageti, makarona, noordles, lasanja, njoki, ravioli, kaneloni, kuskus, të përgatitura ose jo	1902
Drithërat, miell dhe pelet	1103
Fruta dhe arra; lëvozhga e agrumeve ose pjeprit	0801 deri 0814
Perime të ngrënshme dhe disa rrënjë dhe zhardhokë	0701 deri 0714
Mish dhe të brendshmet e mishit të ngrënshëm	0201 deri 0210
Salsiçe dhe produkte të ngjashme, prej mishi, të brendshmet e mishit, gjaku ose insektet; përgatitjet ushqimore të bazuara në këto produkte	1601
Mish tjetër të përgatitur ose të konservuar, të brendshmet e mishit, gjak ose insekte	1602